

أشعار وأغاني للطفولة

ديوان شعر للاطفال

تأليف شاكِر صبري

اولا : بالعامية

احنا اللي مفيش ف الكون زينا

احنا اللي مفيش ف الكون زينا والعالم كله بينظر لنا

والحب بي طرح علي ارضنا ولا كنا نخاف غير من ربنا

مصرنا امنا مصرنا عمرنا ساكنه ف قلبنا رمز لحبنا

مصرنا مصرنا كلنا كلنا حافظين اسمها

دي بلدنا الغالية مفيش زيها

ولا يوم هنخون هنصون مجدها

ونصون اسمها ووهبنا حياتنا هدية لها

مصرنا عمرنا ارض الاحرار لا بنر ضي بغدر ولا استعمار

ولا عمرنا نرضي يوم بالعار للحب شعار عا الغادر نار

دا احنا ولا شيء غيرها يهمننا

ربنا يحفظها ويرعاها ويبارك ف الكون مسعاها

دا الكل بيعشق لترابها والعالم عاشق لهواها

كلنا ابنها بيصون عهدا عاشق ارضها عارفين وعدنا

ولا نلقي في قلبنا غير مصرنا هي ف نبضنا هي ف دمنا

دا حضارة الكون بدات من هنا

دا احنا منها وهيا مننا ب يخليها يصونها لنا

دا مفيش ف الكون ابدأ زينا

=====

فاتح وكريمة وحليمة

فاتح وكريمة وحليمة ومعاهم اسماء و نعيمة
دي قلوبهم صافية ورحيمة ونفوسهم بالحب سليمة
وساعدهم علي حب الخير جار صالح كان اسمه منير
يتعاون مع كل فقير ومع المظلوم كان برضه نصير
من بابا بياخدوا مصروف نصه بيروح عا المعروف
ومعاهم نادر ورؤف ووراهم عادل وامير
حببتهم صاحبتهم اية مع انها كانت رغبة
لكن في الخير ليها حكاية ودي كانت للجد بداية
مرت اعوام بقوا متحدين
يعطوا الفقرا يعطوا المساكين
للخير عاشوا وكمال للدين
ودا شيء كان نابع من ذاتهم وكمال بيضحوا باوقاتهم
والناس عرفتها وحببتهم ويقولوا يا رب بارك ليهم
للناس الفقرا تخليهم والكل بيدعي لصحبتهم
يا اله الكون عمر بيتهم وكمال اتعرفت حكايتهم
فاتح وكريمة وحليمة ومعاهم اسماء ونعيمة
في الخير عاملين صحبة عظيمة

////////////////////////////////////

مين يعرفني

مين يعرفني انا عمو القرد انا قالوا عليا باحب العند

اطلع واشب برجلي ادب واحب الموز واققص لب
واجري ورا القط واشب وانط واتنط نط وساعة اهب
واعمل اراجوز واققشر لوز و اموت ف الجوز للعب احب
واعمل دبدوب وانام مقلوب

واضحك وادوب وف ساعة اسب

مين يلعب فيكم وياي يلقاني ماليش ابداء غاية
غير حبكو ليا ووجودكم بيزود بالفرح غناي

.....

كتكوت وارنب وكلب وخروف

الكتكوت قال : ابني الكتكوت حلو ز غنطوط

دايما مزبوط وكمان مبسوط ويا اصحابه

ابني حبيبي قدرني نصيبي

هو طبيبي وانا ابقى له كل احبابه

ابني ده عفريت زي الكبريت

شاطر في البيت فاهم وحويط

الارنبه قالت : ابني الارنوب طيب حبوب

وف امه يدوب دايما مطلوب ومفيش قده

ويحب الخص ياكل ويبص

يديني الفص وساعات النص رب يمده

مالي حياتي ويا بناتي زي اخواتي حافظ وعده

ربي يزیده وينول سعده

الخروف قال : انا ابني خروف علي صاحبه يلوف

حوالينا يطوف كلامه الحلو بيحيينا

يسعد روعي ينفي جروحي وبفروة صوفه يغطيها

عمره ما يهرب لما يلعب

منا يقرب وكفاية وجوده يدينا

الكلب قال : انا ابني دا كلب

ساكن في القلب ومالينا بحب يحمينا من شر الخاين

دايما عالباب يلقي الاحباب ينفي الكذاب

وبحبه ييمسح اوجاعنا

////////////////////

مصر يا اجمل شيء في الدنيا

مصر دا شيء ساكن جوانا

مهما نروح تفضل ويانا

هي حياتنا وهي منانا ربنا يرعاها ويرعانا

مصر يا نور عمر دنيانا

مصر يا اجمل شيء في الدنيا

بنحبك يا بلادنا يا طاهرة يا عظيمة يا كريمة يا صابرة

هنحطك علطول ف عنينا وهنصنع لعظمتك ذكرى

مصر يا اجمل شيء في الدنيا

راح نرفع ريتك علطول مهما ليالي الحزن تطول

وهنكتب اسمك عا النجمة يا ام الروح الحلوة السمرة

هنعد اليوم ثانية بثانية هنخلي الحب يجمعنا
علشانك نهزم اوجاعنا
هنعمر ارضك يا بلادي ولا نترك خاين يخدعنا
واحنا عزيزة وفن وخبرة
بادينا نخضر اراضيك ويهلم السعد واديك
وهنزرع اشجار الفرحة والبركة تجمع اهاليك
مصر يا اجمل شيء في الدنيا
نورت العالم بحضارتك عمرت الدنيا بمهارتك
وبنفخر اننا اولادك وبنسعد مع عطر مسيرتك
ولا فيش مع حبك حاجة تانية
مصر يا اجمل شيء في الدنيا

ما تتصورش

ما تتصورش يا وطني ما تتصورش
انا حبك سكن روحي بغيره ما اكونش
انا طيفك ملا قلبي وعامل تاتش
ولو اسمع ف يوم انة او القي ف عنيك دمة
علي جرحك علي حزنك انا ما اصبرش
ومهما اغيب هارجع ليك دا انا منك وروحي فيك
اخذ من عمري انا واعطيك

عشان تفرح عشان الاقيلك ما تتحيرش
عشانك كل صعب يهون يا أجمل بقعة جوا الكون
وليك المولي كان بيصون ولو تسهر عنيك لحظة
أنا ما بانامش

ولو كل البشر هتبيع انا عبد الإله ومطيع
أنا أفديك انا بروحي وما استسلمش
وهانسي عذابي وجروحي وما أسلمش
وافوض للاله أمري وازرع صبر فوق صبري
وكل دقيقة من عمري ولو حتي ف يوم تقسي
أنا ما بالومش

////////////////////

كلنا بنحبك يا وطننا

كلنا بنحبك يا وطننا نفديك بحياتنا وارواحنا
علشانك احنا اتعلمنا وبحبك بنداوي جراحنا
يا وطننا كلنا هنصونك ونموت ولا يوم حد يهينك
ابناءك عاشوا محبينك بالايدي ف الايدي احنا عزمنا
يا وطننا المولي حرس عرضك
دا الطهر بيسكن علي ارضك
ولا قبلك نعشق ولا بعدك يا وطننا نحبك يا وطننا

يحميك ربنا ويصون ارضنا

ويدوم عزنا مع اسلامنا

دا مكانك كان جوا عيوننا ولا حد ف حبك يقاسمنا
لله صلينا وسلمنا ربنا هيصونك يا وطننا

////////////////////////////////////

ليه يا زميلنا

ليه يا زميلنا قاعد متضايق قوم صحصح ياللا وكن رايق
لما هتلعب تصبح فايق

اضحك ياللا وما تكشرش اجري معانا حب غنانا
كن ويانا وسيب الياس دا الحركات بركات يا صديقنا
ومع اصحابك يحلي الانس روح واتمرن تفضل احسن
اجري وفرفش العب ما تش

شغل عقلك دايمًا شغل غير جوك عقلك يفهم
تبقي نشيط مستيقظ دايمًا اعرف دايمًا روح ما تخافش
صلي لربك اعرف واجبك عا الواجب اقعد ما تنامش
تبقي سعيد فوق السجادة تلقي حياتك فيها سعادة
تبقي الطاعة لروحك عادة تبقي امين وعدو الغش
وشيطانك منك يتفش

////////////////////////////////////

ادم النحراوي

|||||

قمت ذكرتك مامتي حبيبتي
تصحي معاي من الفجرية اغسل وشي كمان واديا
تفرحي لياو تفرحي بيا يضحك قلبي كمان وعنيا
علمتني ارتب حاجتي عرفتيني قيمة وقتي
شفتك مرة ياماما بتبكي قمت سالتك ليه يا حبيبتي
قلت بلادي نفسي اشوفها حرة عظيمة في كل ظروفها
قلت يا ربي قوي عزيزتي اسعد بلدي وبابا ومامتي
هارفع علمك فوق يا بلادي هانفي الخاين وامحو العادي
داانت يا ام الدنيا مرادي كله يموت وتعيشي يا بلادي
ولقيت صاحبي بيردها بيقول مصر ف قلبه نشيدها
ويرفرع علم الحرية والخابن راح يبقي ضحية
لغباؤه ولسوء النية نكبر يوم نلقاتك كبرت
يوم ورا يوم نلقاتك كبرت بلادي عظيمة وحلوة يا مامتي

جينا نسلم

علي كل الناس جينا نسلم بالكلمة الحلوة بنتكلم
قوم سلم قوم علي كل القوم صحي المهموم يا للا اتبسم
دا الرحمة صديق فيها التوفيق
ولا يوم م الخير للغير تحرم يا اللا يا مسلم عالناس سلم
غيرك مخنوق بالحب يفوق بالبسمة يروق با اللا اتكلم
قرب بالحب لكل الناس شجرك يطرح فرحة واخلاص
وافضل صافي بميزان حساس واوعي تبلم اوعي تبلم
قرب نور اوعي تكشر بالحب اظهر يا اللا اتقدم

ياللا يا اصحابي يا اللا يا مسلم اتكلم بالحب اتكلم

دا انت المصري انسان عصري فاهم دينك

ربي يعينك للناس تكرم

سلم سلم يا سلام سلم

بالكلمة الحلوة بتتقدم يا اللا يا صاحبي يا اللا يا مسلم

يا اللا يا مسلم يا اللا اتبسم

=====

حدش شاف الطيب عنبر

حدش شاف الطيب عنبر دمه خفيف احلي من السكر

كل اصحابه عليه بتدور كله معاه عايز يتصور

كله يحبه لخفة دمه يقعد جنبه بيخرج همه

والاطفال حواليه يتلموا لما بيحكي الكل يكركر

وشه بشوش مليون بالنور يملا الدنيا فرح وسرور

بقي في الناس معروف مشهور

والكل بصحبته يتعطر

يحي يصلي الفجر جماعة ويقول اجمل شيء الطاعة

تعمل ليك في الدنيا مناعة وتخليك في الخير بتفكر

حب الخير لجميع الناس عنده المنهج والنبراس

بالكلمة الحلوة بيكسبهم ويخليه في نظرهم يكبر

=====

احنا اولاد النيل

احنا الخير خضر اراضينا ولا كان شيء غيره بيرضينا

والحب بيجمع خطاويننا والبركة بتطرح في واديننا

الواحد مخلص لاصحابه لو يشتكي يتعب احبابه
لو يحزن كلنا علي بابه بلاخلاص دايم تلاقينا
ولا عمرنا نخدع بعضينا

اكبر حب يكون لبلدنا علشانها نحقق امجادنا
ومعها بتكثر اعيادنا هي وجودنا وهي مرادنا
هنعليها وتعلينا

احنا نسيج واحد مزبوط تلقى الظلم واهله نشوط
والمعوج يرجع مزبوط وتدوس الخاين رجلينا
دا احنا الله بيبارك لينا من نهر الحب اتوضينا
امجادنا اكبر امانينا لاجل الخير يطرح بوادينا

انا لا انا خاين ولا ارهابي

انا لا انا خاين ولا ارهابي انا مسلم وباحب كتابي
انا قلبي مفتوح لاحبابي وبروحي ضحيت لبلادي
وباصلي وبادي صلاتي وبازكي بمالي واوقاتي
والخير كان عنوان لحياتي والغفران من ربي مرادي
انا طيب وباحب الناس انا قلبي ملان بالاحساس
انا مسلم رمز الاخلاص والاخلاص لبلادي عتادي
عايز بلدي تعيش ف امان اسمها يلمع ف البلدان
يلقي الحب ف بلدي مكان والعار يبقي نصيب العادي
انا طير علي غصنك يا بلادي لك حبي لك كل فؤادي
والظالم كان هو البادي انا حبك زادي وزوادي

سلمي

سلمي ساكنة ف عينا راح تكبر يوم وتهنينا
ضحكتها يا ناس بتكفينا ولا عمرنا يوم راح ننساها

دا القعدة معاها يا محلاها وبنفرح لو نبقي معاها

ويا رب الفرحة تغطيها

سلمي تسلم دايمنا دا ميلادها وقت لثورتنا
مع سلمى كان حريتنا ومعاها تكمل سعادتنا

ويا رب تبارك خطاويها

تحميها من عين حسادها
وتزود دايمنا اعيادها وتكثر ف الخير امجادها
راح تبقي منارة لبلادها وتحقق دايمنا امانها
ويا رب تبارك لنا فيها وتزود في الخير مساعيها

قلبك زي الحجر

قلبك زي حجر ما يرقش للبشر

علشان ما انتش مسامح ولا ليك للخير ملامح

ولا شجرك عمره طارح ولا كان عندك نظر

**

نفسك تعشق وبس ولا بالمجروح تحس

ولا قلبك قلب انس منك نلقي الضجر

تغدر ولا يوم تداوي وانت للجرح غاوي

ولغيره كنت ناوي ولا حد عليك قدر

ازاي ف الدنيا عايش كاره نفسك وطايش

|||||

[illegible]

١٤

يا للي كلامك عمره خفيف وجهك ابيض زي الجوف

*

يا اللي تكون مخلص ف حياتك

والاخلاص نابع من ذاتك

من ربك طالب حسناتك بعزيمتك تمنع نزواتك

من ربك كان بس الخوف

**

يا اللي انت بتهل بفرحة يا للي بقيت عا النسمة بتصحي

يا للي حياتك سمحة وبرحة يا للي بقيت بالخير موصوف

اه لو منك نلقي الوف

////////////////////////////////////

اعمل معروف

فيه ناس حواليك مسكينة وقلوبها جريحة حزينة

بالصدقة وكلمة رقيقة تجعلها بحبك تشعر

روح ياللا بعقلك فكر

ويا ريت تخلص لبلادك عا الحب تربى اولادك

وتخلي التقوي مرادك لو عايز ليها هتقدر

مممكن تبقي مالكشي امان وتخلي المرتاح حيران

تنشر حواليك الاحزان ولا تسعد واحد في مكان

او مممكن برضك تبقي شيطان

وتخلي الناس تلقى الحرمان وتظن بانك اكبر

روح امسح راس ليتيم مسكين محروم من عطف الابوين

او أدفع عن غارم دين او تبعد ظلم من الظالمين

بس شيطانك عايزك تكفر

طاوعه وخليه يفرح بك هيقولك اني باحبك

هايسيبك لما هتهلك لما ضميرك يتحجر

وساعتها عذابك يكثر

لك عقلك روح واتخير وطريق الخير بينور

للي عليه بيدور قوم ياللا بعقلك فكر

////////////////////////////////////

هدي وندي

هدي وندي الاتنين شاطرين علي العدا كانوا متحدين

وبالقليل الاتنين راضين ومفيش كده زي الاتنين

وتلتقاهم جوا الفصل عاملين مكانهم زي القصر

اكبر هدف تحقيق النصر يقوموا للمدرسة م الفجر

ويقولوا عايزين نسعد مصر

هدي وندي ببساعدوا مامتهم وبالمحبة عاشوا حياتهم

وبالعمار يشغلوا اوقاتهم وكان سلاحهم هو الصبر

هدي وندي اجمل بنتين شمس وقمر الاتنين قاعدين

وبحر اخلاص ومحبة وفي النظام بقوا متفقيين

وكانوا بسمة لجيرانهم بالحب يمسخوا احزانهم

ورحمة لجميع الحاضرين

الوقتي وصلوا للقامة بالصدق وعزيمة وهمة

وعدوا من بحر الضلمة

وقدوة للناس الفاهمين ولسه عا الحب محافظين

هدي وندي اجمل بنتين

سلمي

سلمي بتموت ف مامتها سلمى بتحب خالتها
سلمى بتحب نينتها وبتسمع دايم حكاياتها

&&

سلمى هادية وشطورة وكمان دلوعة وامورة
وكمان راح تجري ورا الكورة وتقول لنا عا الارنبه بطة
وتحب تشيل لنا الشنطة وبتاخذ خبطة وراها خبطة
وبتكسر لنا السبورة
سلمى هتكون دكتورة وهتبقى عظيمة ومشهورة
علي حسادها تكون منصوره
ويا رب يكثر ضحكها ويزود عا الناس طلتها
ويفرح وياها اخواتها

////////////////////////////////////

سلمى يا سلمى

سلمى يا سلمى يا طعمة يا سلمى
شمسنا انت وسط الضلعة وانت البسمة وانت النسمة
وانت حياتنا وروحنا يا سلمى
وانت القمرة وسط اللمة وانت املنا ومستقبلنا
وانت الهوا لنا والمية م الرحمن انت اغلي هدية
وانت الرحمة مع الحنية اكبري يا للاشوية شوية
نوري بيتنا وروحنا يا سلمى
ندعي يا سلمى الله يهديك لنا يبارك ربنا فيك
ولمصر بلدنا يخليك ويعلي مراتبك بالحكمة
جواك اخلاص لبلادي راح تبقي منارة علي الوادي
ويا رب يحطم اعاديك وتنولي مكانك في القمة

مش هيبك الا الصادق ولا هيبونك الا الفاسق
دا انت علامة لحب الخالق ويا رب يخليك يا سلمي
ويا رب يا سلمي يحميك ويحقق في الخير امانيك
راح تسلمي من عين اعدايكي وتنوري ف حياتنا يا سلمي

////////////////////////////////////

يا اللا يا ماما
يا اللا يا ماما احكي لي حكاية يا اللا يا ماما تعالي معاي
يا اللا ياماما اخرجي ويايا وتغني لي كمان غنواية
نقعد سوا تحت الشمسية يالا يا ماما نروح للمية
راح تحكي لي حكاية جميلة واحدة جديدة كل شوية
يا اللا ياماما نروح نتفسح يا اللا كمان نتطلع نتمرجح
نجري ونلعب جنب الشجرة ونروح جوا البحر ونمرح
ويا السما والمية هنفرح

يا اللا يا ماما نروح نتصور يا اللا نشوف الهرم الاكبر
نقعد جنب الزرع الأخضر راح نعمل للقصة نهاية
نقعد جنب الزرع ساعات نقعد سوا علي بعض ندور

واجري وانت تجري ورايا

يا اللا ياماما احكي لي حكاية

////////////////////////////////////

ارمي هوانك

ارمي هوانك مع احزانك

ورا اوهانك ربنا راح يرضيك

•••••

۲.

تبقى لبلدك انسان نافع تبقي فدائي وتبقي مفيد
علي ايدك اجيل تتعلم وبايدك احلام تتحقق
بوجودك السعد يزيد

oooooooooooooooooooooooooooo

ليه ما تروحشي المدرسة ليه
ليه ما تروحشي المدرسة ليه قاعد وحدك تعمل ايه
شايل هم الدنيا لايه شوف الحل وقولي عليه
لو تهرب هتحس بعلة ولا تفضل ابداف الشلة
وعيونك ما هتلقى الفرحة وهتشعر دايمًا بمذلة
جوا المدرسة تلقى اخواتك تعرف نفس من درجاتك
وتحس بعقلك وبذاتك والعاقل ينظر حواليه
ويا الفصل تجد وتتعب برضه هتقدر تجري وتلعب
وتحس بحبك لاخوانك وساعتها عمرك ما هتهرب
والخايب ببيان ف عنيه والشاطر كلنا نفرح له
ويحبنا ونحن اليه

oooooooooooooooooooooooooooo

يا قاضينا احكم بالعدل
يا قاضينا احكم بالعدل خلي الخير ف حياتنا يهل
خلي البسمة علينا تطل خلي العدل عليك بيدل
اياك تزرع بينا الغل دانت بعدلك تظهر فضلك
ويا الظلم نلاقي الذل
خلي الناس ترتاح للخير اياك تمشي مالکش ضمير

•••••

•••••

فرحة جدك فوق العادة وف قلبه اترسمت امنية
نور لحياتنا بركة ف بيتنا ومعاك ابتمست اوقاتنا
بدر وساكن جوه ف بتنا ومليت قلوبنا بحنية
وعيونك حلوة وعسلية
وخدودك تفاحة جميلة وملامحك زهرة ف برية
اسمك فيه احلامنا لبكرة رسمك بهجة واجمل ذكرى
ف عيونك بنعيش ايامنا ومعاك بنلاقي الفكرة
نورتنا فرحتنا وحلتي الايام لجاية
نورت حياتنا يا امنية ودي كانت اكبر امنية

////////////////////////////////////

الرحمة

طول ما قلوب الخلق رحيمة تلقي الدنيا لسه بخير
طول ما نفوس العبد سليمة تمنع ظلم وغدر كبير
تلقى الناس ف الخير بتفكر تلقي البركة تهل وتكثر
تلقى شيطان الغدر صغير تلقي بحور الزور تتعكر
والظالم يلقي التدمير
طول ما قلوبنا تشوف الرحمة تلقي الكون صافي مع النسمة
ونحس بحب لبعضينا وهنشعر بعظمة النعمة
طول ما الظلم حصونه بعيده تلقي عيون الكل سعيدة
والافراح تجمع اوقاتنا وهنمنع منا التنهيدة
والخير هيعم علي الغير
طول ما قلوب الكل رحيمة تلقي الدنيا لسه بخير

فيه اجمل سمات كله نشاط وجد
وبيظهر عتابه لما يشوف غلط
ويقول عمري ما انجح الا اما انظبط
جوا الفصل هادي راضي وقلبه نادي
ويحبه الولاد وتحبه البنات
فيه كل المعاني الحلوة والصفات
بقت الناس تحبه وكله يطلب قربه
علشان عارف واجبه في جميع الحالات
عمره ما كان بيزعل علي شيء راح وفات
يوم ورا يوم بيكبر وبملكاته يقدر
يبني ويعطي اكثر كله بالثبات
بقي دكتور مهندس للاصلاح ياسس
والكل بيدعي ليه بالحب يناديه
ربنا يرضي عنك ويزود نجاحك ويزيدك ثبات

////////////////////////////////////

الواد الشارد عنا

شفت الواد الشارد عنا اللي ما كانش يقرب منا
من حبه وقربه بيحرمنا ولا كان عمره معنا يشارك
قلنا له ارجع لطريقنا واتعلم راح تبقي صديقنا
ولا عمرك ابدأ تفارقنا دا وجودك في اللمة يبارك
دا قلوبنا هتفرح علشانك وبتزعل برضه لاحزانك
وهنمسح دايمًا احزانك وف فرحك كلنا نتشاك

بس ما كانش بيسمع لينا ولا عايز يعرف احلامنا
ولا عايز يفهم اغانينا ولا يختار ويانا مسالك
قلنا له لوحدك اتعلم وهفضل في الحيرة مبلم
وطريقك راح يبقي مضلم والشارد عن صحبتة هالك

كان يا ما كان

كان فيه واد صغير اسمه الشاطر سعد
كان بيخاف ويهرب لو شاف اي حد
جرح بسيط صغير يعمل لينا رعد

لما راح حضائته

كان فيها معلمته وشاف حنان وود
ولما راح مدرسته ولقي اخلاص ومجد
والاصحاب في فصله كله قاعد يردد
بس وهو نايم مش فاهم وهائم
خايف م العقوبة قام واقف بجذ
قال ازاي صحابي دي الوقت شاطرين
وانا قاعد وخايف من كل الحاضرين
من ساعتها عيط قال عا الجهل عار
بقي عايش في حيرة وقلبه كله نار
قال انا لازم اكافح واختار المسار
اصل الخيبة قسوة وعذاب ليل نهار
قام نظم حياته واختار المسار

بقي ما يخافش ابدًا وعمل له شعار

قال انا لازم ابني وانجح بافتخار

بقي شاطر وناجح ويحبه الكبار

واصحابه تحبه بقي صاحب قرار

!!

عيد الام

عيدك عيد الحب يا امي يا اللي حنانك ساري ف دمي

يا اللي عيونك تقرا لحلمي يا اللي ف حضنك تمسحي همي

مع دقائق القلب يا أمي

امي دا خير اهداه المولي شيء بيخلي العالم احلي

امي دي رحمة واجمل نعمة امي دي روعي ومصدر فني

مش هاتسي تعليمك ليا ولا سهرك دايمًا حواليا

وحنانك والرحمة ف قلبك دا الرحمن أعطانا هدية

صوتك عايش جوا فؤادي صورتك بصمة ماشية قصادي

حبك نابت جوا عروقي دانت حياتي وكل مرادي

وانت الخير والبهجة يا أمي

وف عيدك انا ليك هاغني عيدك عيد السعد يا أمي

!!

بابا يا بابا

بابا يا بابا يا بحر حنان مركب حبك كله امان

شكل السما ف عنيك الوان طعم الدنيا معاك بيبان

ومعاك ما نشوفش الحرمان ولا نشعر يوم بالاحزان

بابا يا بابا يا نور العين

انا فنان

وانا ماسك منظار

۲۸

جوا الصحرا ملان احزان لو تخضر يكون فرحان

.....

شمس العالم تغيب

شمس العالم تغيب لو عاش عالم غريب
لو يبخل باللي عنده يبخل عا الناس بجهد
هيعيش ف العتمة دايم لا يشعر يوم بمجده
زكي بعلمك ومالك هيزود ليك جمالك
ويزود ليك في قيمتك في الناس وتنول سؤالك
ارض العالم زهور مليانة بكل نور
تطرح في الدنيا بسمة ورحمة تكفي الشرور
العالم في البلاد باديه يبني الرشاد
يصنع في الكون سماحة يمنع باديه فساد
يقتل جهل وشرور
بالعلم هتبني مجدك ويكون نبراس لسعدك
تزرع بالبسمة ارضك تقدير الناس تنول
بالعلم تسبب اثر يسعد قلب البشر
وتنول بالعلم قيمة ويزيل عنهم ضرر
العالم ده فداء للحب وللنقاء
ف اديه شايل لواء وف وسط الليل قمر
يصنع للناس امان يمسح عنهم هوان
يزرع حب وسماحة يبني قلعة امان
العلم سلاح جسور باقي لكل العصور

يمنع جهل وشرور يعلي بنفوس صاحبها

وينور للشعور

[illegible]

العتاب بين الأصحاب

لو تسمع يوم عتابي ف الحق هتبقى صاحبي

تفرح من أي كلمة وتحس بمر واجبي

وساعتها مهما يحصل أرتاح وتخش قلبي

بتعبر عن شعورك لو فجأة لقيتني ازورك

بتبان ريحة شعورك لو صدفه عرضت قربي

أحساسي كان بداية وياك بالقي الحكاية

علشان وشك مراية للي انت ليه تخبي

انظر لك وف ساعتها عينك تظهر صورتها

واقدر اكشف مرادك روحك ترفع رايتها

بيان صوت المشاعر وبيان نبض الخواطر

وبيان اصلك وفصلك لو تغضب وانت جنبى

من صدقي وحبى لىك وكمآن نظرة عنىك

وكمآن لمسة ايدك باعرف طبعك يا صاحبي

[illegible]

النصيحة

لو شفت عندي الغلط ازای ما تتصحیش

لو عقلی داق الشطط صاحبی الی ما یسبیش

عینک تشوف ذلتی تعرف طریق غلطی

[illegible]

كل ما اذاكر حاجة جديدة القى الدنيا جميلة سعيدة
حاجة جميلة لعقلي مفيدة بتزود في العلم كياني
دا المدرسة اصل الافراح باستناها كل صباح
مع اصحابي انا بارتاح اقطف زهرة خير ومعاني
ويا الفصل الحب اكيد ويا اصحابي ما اكونش وحيد
دا التعليم للعمر يزيد ويصلح قلبي مع لساني
بالتعليم راح احقق املي والتعليم بيزود عملي
راح اصنع للعالم بسمة راح اسعد وياه اوطاني

۳۱

[illegible]

من اظهر بقعة علي الكون و عيونك تشفي المجنون

وف قلبك لنا بشارة

علشانك الروح بتهون ولا يوم تشعري بمرارة

والعادي هيندب حظه هيلاقى القبر يعزه

وهيعرف طعم الحسرة ومعاه كل اللي يوزه

وهيشرب كل خسارة

////////////////////////////////////

اللي يفكر بقلبه

اللي يفكر بقلبه راح يغدر قلبه بيه

واللي يفكر بعقله دايمًا ترتاح عنيه

يفرح مع كل نسمة يرضي مع كل بسمة

ويشوف الدليا حلوة والخير هيطير إليه

حاسب من كل كلمة لاحسن توصل لازمة

بس اتكلم بحكمة مين غيرك هيواسيك

اجعل عقلك قصادك عقلك سلطان فؤادك

واجعل م الحب زادك المولي هيراعيك

الحكمة انك تخاف من اصحاب الضياع

وتسيب ارض الجفاف تهجر اهل الخداع

والحكمة انك تثور علي اخوان الغرور

تزرع لحظة شعور مع نفسك للعبور

تنظر دايمًا لبكرة ويكون قلبك جسور

ترتاح من عقل صادق من نفسك تبقي واثق

لشيطانك تبقي خائق ف اديك تلقي الشراع
لو يوم شغلت عقلك راح توصل للطريق
تعرف ازاي تخطي قلبك هيكون جريء
لكن من غير ما تجرح وتكون صافي وبريء

////////////////////////////////////

المدرسة

المدرسة هتغير حالي هالتقي كل الناس داعيا لي
راح احقق بالعلم امالي وتحسن دايم احوالي
والمدرسة كان فيها زميلي فيها اصاحبي كمان وحابيبي
والتقي جاري قاعد جنبي فيها اخواني كمان وقرابي
يسأل عني بابا وخالي

والمدرسة فيها القران فيها العلم مع الايمان
والالعب تبني البنيان دي المدرسة تصنع انسان
تلقى شمس الحب تلالي
بالتعليم راح تفضل غالي والمدرسة هيغير حالي

////////////////////////////////////

الاجازة

يا اللاتعالى بروح يا اجازة حلوة جميلة لذيدة لذادة
ننسى متاعب طول العام نهرب من كثر الاحلام
وبلتقي في الفسحة مفازة
يا ما ذاكرنا ويا ما تعبنا يا ما تعبنا في الجد قلوبنا
يا ما كتبنا ويا ما حسبنا يا ما خدنا م الجد نصيبنا

ساعة الصبح بنصحي ونفرح والعصفور عالجصن بيمرح
ونروح للمدرسة بمحبة والاستاذ للدرس بيشرح
من حقنا نرتاح في اجازة

بعد الجد نروح نتفسح
عشآن نرجع تاني نصصح
ويا الناظر والاستاذة
يا اللآ تعالى اكيد يا اجازة
لاجل عقولنا تروق وتفتح

[illegible]

ليه ما تروحشي المدرسة
ليه ما تروحشي المدرسة قاعد وحدك تعمل ايه
فين الحل وقولي عليه شايل هم الدنيا لايه
لو تهرب تشعر بالعله وعيونك هتكون مختلة
ولا يوم راح تمشي مع الشلة والخايب بينبان ف عليه
جوا المدرسة تلقى حياتك تعرف نفسك من درجاتك
تلقى اصحابك تلقى اخواتك والعاقل ينظر حواليه
في المدرسة هتجد وتتعب وكمان برضه هتجري وتلعب
اياك يوم م المدرسة تهرب ولا من لوم اصحابك تغضب
هو الصبح لازم نعمل به وعلينا دين يوم هناديه

[illegible]

راحة النفس

وباحس ان انا مرتاح لو اصلي واصون الفرض
وانا باصحي في كل صباح يفرح بالدعاء القلب
وادعي لك وانا مرتاح نور لي طريقي يارب

[illegible]

والقرآن نقرأه بالعربي

[illegible]

۳۷

بقلوبكم دائما بصوا له بالفرحة الحلوة وغنوا له
صقفوا للواد الشاطر اللي يحب لدرسه يذاكر
اللي بيفضل دائما فاكرا والجائزة الحلوة هتدولوا
صقفوا للمخلص ليكم اللي بقلبه بيحييكم
اللي بروحه راح يرضيكم والشطار اصحابه يجولوا
صقفوا له صفقة كبيرة صقفوا علي حسن السيرة
ولا عمره يشوف التكشيرة والناس بقلوبها يباركوا له
صقفوا له صقفوا له

انا جاي

انا جاي للدنيا وكلي امل اني ابقي مفيد لبلادي بطل
انا جاي وف قلبي شموع لعمل

انا كلي يقين وسماح ووضوح انا عندي عزيمة مالية الروح
انا روحي بتبني مهما تروح انا عمري ما اركع مهما حصل
انا كلي عزيمة وكلي ايمان اني املي بلادي بكل امان
اني امحي الزور وانفي الطغيان اني اصنع من اخلاصي جبل
انا مهما تكون جنبي الاشواك هاصرخ وهاقول انا اصلي ملاك
انا مالي سواك واقول يا الاهي راح انسي الهم وكل علل
انا جاي للدنيا وكلي امل

اللي ما كان

اللي ما كان حدش بيعوزه ليه قاعد بيمد ف بوزه
وبيندب دائما ف حظوظه وبيحسد كل اللي يفوزوا
واهو قاعد رافع مناخيره وبيحسد الخير مع غيره
ولا كان عمره ضميره بيصحي
بيغيظنا ولا حد يغيظه

ساعة الضيق يعمل لنا قفلة لو نحتاجه نشوفه ف غفلة
راح نكسر ورا بعده القلة اللي يكون ماسك ارابيزه
ف التوقيع اكبر فنان شايف نفسه ملان بحنان
سيرة الغير ف لسانه لبان وبتوقيعه يمد نفوذه

ولا حدش ف الدنيا عزيزه غير نفسه هو واراوزه
ولا حدش مننا هيعوزه

////////////////////////////////////

جنود الحق

لما تكون دايمًا عا الحق سييب الشر جنابه تطق
سييب الكلب يلم اصحابه يتجمع حواليه احبابه
ويلوث بالدنيا لعابه ولعجلاتك اجري وزق
اصل الحق طريقه عسير اعداؤه ما لهومش ضمير
بيفكروا ف خرابه كثير ولا كان ليهم قلب يدق
يحققوا دايمًا عا الاخلاص عايزين شرب منهم كاس
منهم ما بنلقاش اخلاص او عاك يوم ان قالوا تدق
خليك صامد ضد الريح اوعي تنخ واوعي تسيح
مهما تكون ف الدنيا جريح ليهم انطق كلمة لأ

////////////////////////////////////

بعد العشا

بعد العشا بعد العشا تلقي قلوبنا منعشة
تلقانا صحبة مفرشة يحلي الكلام والفرشة
صحبتنا ديا كويسة عا الحب يوم متاسسة
لو عينا لحظة منعوسة تلقاها قاعدة مدندشة
نمسك قلم نقرا الكتاب
ننسي الصعاب نرمي الالم تلقي السعادة والنعم
ف قلوبنا فرحة معششة
مع كل ده تلقي النظام والصحة يجمعها الوئام
والصدق ويا الاحترام ولا ودين فينا مطمئنة
بعد العشا بعد العشا

////////////////////////////////////

خالي المتولي

خالي المتولي بيصوم ويصلي
دايمًا بيقولي اقرا القران

انا خالي المسلم لله بيسلم
بالخير يتكلم رمز الاحسان
خالي الانسان مليون بحنان
تلقاه سلطان عبد الرحمن
خالي يا غالي مكانك عالي
في القلب يا خالي لك اعلي مكان
خالي معروف بالخير موصوف
بالبسة يطوف نحو الاخوان
خالي استاذي ف الازمة ملاذي
باهديه انجازي والحب كمان
النور اراضيه ربنا يرضيه
ويبارك فيه ويعيش فرحان

انا مسلم انا
انا مسلم انا انا كلي مني
انا رمز الهنا انا بعت الدنا
انا مسلم انا
انا ديني الحنيف انا مسلم حصيف
انا طيب شريف انا ضد الخنا
انا مسلم انا
خوفي كان م الاله عمري ما اخاف من سواه
لاجله بعت الحياة والصدق ف طبعنا
سندي كان للضعيف وانا قلبي دام نظيف
واحارب كل زيف والجنة قصدنا
عمر ما نركع لمال ونحارب في الضلال
والظلم يشوف زوال والرحمة عندنا
انا مسلم حنون انا طيب باصون
والغدر يشوف جنون اخلاصي لربنا
انا مسلم كريم انا صافي وحليم
انا عبد الرحيم انا مسلم انا

اسعد واخوه

اسعد واخوه الناس كرهوه بعد اللي شافوه من تعقيده
بيثور ويدور زي المغرور ويفور ويخور يرمي وعوده
وأخوه محروس دايما منحوس

عا الغير بيدوس ويا جحوده
وزمان كان عاشق للفوضى دايما يكسر حاجة الروضة
ويجاوب دايما بالشدة والشدة عمرها ما تفيده
بيشوط ويطيح وكلامه قبيح
وما كانش مريح ينسي نشيده
الناظر أكلهم علة
في طابور المدرسة في الزنقة
علمهم ايه طعم الحرقه والكل يقول للخير عودوا
اسعد دي الوقت بقي مثالي بقي متواضع مش متعالي
عايز يبقي هناك في العالي وظهر جوده
أصحابهم قالوا احبابنا أسماءهم طائرة علي قلوبنا
والقلب الطيب دوبنا رب يزيده

////////////////////

راغب ماله

راغب ماله ما عادشي يود رحنا نشوفه نسينا البعد
قمنا سالنا ماما قالت لنا تاه ولا عادشي علينا يرد
طول الليل عا الانترنت قاعد يرغي كثير ويلت
يعمل شات مع واد او بنت وساعات تجري وهو يعد
بقي ينسي اصحابه واحبابه حتي كمان ما عرفشي كتابه
علي نفسه بقي يقفل بابه ويقول انا تعبنا وباك
ينسي الاكل وينسي حياته حتي كمان بقي ينسي اخواته
ولا يفكر الا ف شاته يقي ويانا يا ناس في الضد
قمنا فصلنا انت عليه الا ساعات ف اليوم تلاقيه
علشان يرجع عقله اليه رجع العقل ورجع الرشد

بقي دي الوقتي يحب المجد ولا عاد ينسي ويهجر حد

~~~~~

اللي حياته كسل

اللي حياته كسل ف كسل عمره ما خاف ولا عنده خجل  
ويقول حلو وطعمه عسل ولا له طموح ولا تلقى عمل  
بيحب الراحة والنوم ولا عمره بيصده اللوم  
ولا علي شيء تلقاه مهموم ويقول خاضع للمقسوم  
ولا بيثور ولا عنده زعل

اللي اختار يحلم وينام ويعيش ويا سراب و ضلام  
وبيسرح ويا الاوهام مش هتفيده مهما حصل  
سيب الدنيا تعلم فيه لما جراح النار تكويه  
لما تخيب دايم امانيه يبقي ساعتها عنده امل

~~~~~

ياللي تقضي

يا اللي تقضي حياتك نوم هتعيش م الامجاد محروم
ولا تشعر بحلاوة الدنيا في الاخر هتعيش مهموم
الدنيا ما تحلا الا بجد ومفيش ليك من نومك بد
بالبركة حياتك تتمد بس اخرج في ميعادك قوم
اتحرك وابحث عا الخير تلقى الخير جايلك بكثير
من ربك تلقى التدبير

والكسلان هيعيش مخموم لما تكون دايم وخمان
تتاوب وتكون كسلان راح تبقي صديق الحرمان
ولا عمرك راح تفرح يوم يا الا يا صاحبي صحصح قوم
او عي تقضي حياتك نوم

~~~~~

لو تكون

لو تكون في الكون ذليل لو تعيش من غير دليل  
فيك جراح ما لهاش مثيل تلقى مع ربك سبيل  
ربك الرحمن كريم بيك وبالانسان رحيم  
بالالم دايم عليم خلي دمعك ليه يسيل

تلقي بعد الياس نور      يتقلب همك سرور  
والسعادة في الشعور      حتي لو رزقك قليل  
بس مع ثقتك ف ربك      تلقي نورك وسط دربك  
تلقي فرحك بعد كربك      هو شرقك هو غربك  
مش هتعرف مستحيل

املي قلبك بالهيام      ويا ربك بالسلام  
تلقي نور وسط الظلام      تلقي كل الكون ونام  
يبتسم قلب العليل

\*\*\*\*\*

لو نحس ببعضنا  
لو نحس ببعضنا      لو نخاف علي جرحنا  
لو نصفي قلبنا      وقلوبنا تبقي حنية  
تلقانا وسط النار اسود      نبني الامل نلقي الوعود  
والرحمة بعد الخوف تسود      والحزن يبعد عننا  
مهما تكون صعوبة الظروف      بالحب نكسر كل خوف  
ننسي الظلام للنور نشوف      بادينا نمسح دمعنا  
تلقي الهموم متبعثرة      والحيرة تبقي مكسرة  
ارواحنا تبقي منورة      ارض المحبة تلمنا  
لو نحب الخير لبعض      لو نكسر اي سد  
لو نحطم كل حقد      تلقانا واحد كلنا  
والبركة تكثر عندنا      ولا شيء يفرق جمعنا

\*\*\*\*\*

راندا

راندا الشقية الاولى عملت لي اجمل مشكلة  
عملت لي اصعب مسالة      بصراحة كانت معضلة  
اتريها عارفة حلها      جابت معاها اختها  
واصحابها قال اشرح لها  
اتريها صعبة ملعبة      واديا فيها مشبكة  
وبقيت في اخر دربكة      خلت اديا مزلزلة  
راندا تحب المعرفة      شاطورة هادية مثقفة

علي علمها متلهفة علي رزقها مستعجلة  
بتحب تعرف كل شيء وتعرفه برضه الصديق  
وقلبها صافي وجريء لكن سنانها مخللة  
في العلم ما بتعرفشي خوف تعرف وتتحدى الظروف  
تسمع كمان وتروح تشوف وعنيها صاحبة مفجلة  
وجميعة برضه مؤدبة شاطرة لطيفة مهذبة  
من قلب صادق طيبة وف كل شيء مستحيلة  
ولا حد يعرف سرها الا باباها و وامها  
وتخاف كثير علي أختها وبنفسها متكفلة

////////////////////////////////////

### علشان انا

علشان أنا اسلامي صحيح مش راح اخضع ويا الريح  
مهما أكون تعبان وجريح ولاني باسلامي صريح  
علشان إيه يكرهوا اسلامي ممكن اكون خاين وحرامي  
زي الغير عايش في ضلامي القدر اكون تافه وقبيح  
بس انا عندي مبدئي ديني هو سلاحي وهو يقيني  
وانا ربي هو اللي حامييني وانا اسلامي دخل تكويني  
وانا في الظلم واهله باطيح  
مهما يقولوا انا مش هاربع وانا لطريق الحق راح اسمع  
ولا لشيطان او حاقد اسمع ولا من نار الجهل باسيح  
مهما يا اهل الغدر تزيدوا انا قلبي عامر بنشيد  
وانا قلبي عاشق توحيده ولا غيري لاخلاصي يزح  
عمري ما هانسي حبي لربي دا انا اسلامي ساكن قلبي  
من غدر الخاينين كان حسبي وانا انسان مرتاح ومريح  
علشان كده اسلامي صحيح

////////////////////////////////////

### رويدا

يا رويدا يا سكرة يا شمعة منورة  
يا بسمة معطرة ولاهلك مفخرة  
يا رويدا يا جريئة اجمل طفلة بريئة

الطف نسمة رقيقة بمشاعر طاهرة  
يا رويدا يا منارة ياخبيرة في الادارة  
بصراحة وبشطاره تشهد لك كل جارة  
علي خبرة مبهرة

يا رويدا يا علامة للغة وللكرامة  
يا بسمة وابتسامة يا أجمل جوهرة  
يا رحمة للفقير يا صورة لكل خير  
يا بصمة للضمير وبروحك مبصرة  
لو هلت عا المكان تملاه بركة وحنان  
تمسح قسوة وهوان عن غيرها معبرة  
في دروسها مستقيمة مع اخواتها كريمة  
عاقله وراكزة وحكيمة في نظامها ساحرة  
يا شجرة مثمرة يا حنة سكرة

////////////////////////////////////

#### الشاطرة بسنت

مين يعرف الشاطرة بسنت في المدرسة لنا احسن بنت  
دايما بتحافظ عا الوقت ولا زيتها تلتقي مهما عرفت

&

بتجاوب من اول مرة وف راسها اكثر من فكرة  
بتحب الفراش والناظرة وتقول نفسي ابني لبكرة  
علشان اخواني اتعلمت

\*\*

بتحب بلادها حب كبير وتقول دا بلدنا نبغ الخير  
اتعلم علشان ابنيها واسعد ابناؤها وارضيها  
دا بلدنا المولي بيحميها وعشائها نبدأ ف التعمير

&&&

وتقول انا راح ابقى طيبة وامسح انات قاسية رهيبة  
و بتسمع لكل قريبة من حبها للناس اتعجبت

\*\*

وبسنت البنت المثالية رمز الاخلاص والتضحية

رمز الاحسان والوطنية بتقول انا عاشقة الحرية

مش هانسي بلادي مهما وصلت

&

املي اعمر ف بلادي بحياتي بوقتي وبجهادي

راح اسعد بلدي بامجادي مش يوم هاتغير مهما سهرت

\*\*\*\*\*

البت نور هي وسماح

البت نور هي وسماح قابلوا عبير ف المدرسة

لقيوا معاها كراسات ليهم ولقيوا المنقلة

ندهوا علي اخوهم شريف خلوا حياتها مدهولة

صاحبته قالت للصحاب قاموا بهدلوهم بهدلة

اما الخبر ذاع وانتشر الابله ندهت عا الجميع

عشان تحقق في الخبر

عرفت سماح ومعاها نور قالوا غلط ووقعنا فيه

من قبل ما نظلم بريء لازم كمان نسمع اليه

الظلم بيخليك غريق وربنا شاهد عليه

اتاسفوا واتندموا والكل بيحرك اديه

والكل فكر في الكلام والدمعة نزلت من عنيه

وشعروا جميعا بالندم باسوا ف راسهم كلهم

عاش الجميع بالاحترام بقيت محبة ف قلبهم

وكمان شريف لما كبر راح بعدها اتجوز عبير

وقالوا سبحان الكريم لعل بعد الشر خير

لازم نامن بالقضاء وبأمر مولانا الخبير

////////////////////////////////////

أختي وفاء

أختي وفاء المؤمنة راضية كمان مطمئة

هيا وتوأمها مني نالوا جميعهم حبنا

ولا يوم بتخلف وعدنا والحب ساكن قلبها

والكل راح ينظر لها يلقي السماحة الساكنة

فيها الهدوء ويا السلام وجه بشوش حسن الكلام



تلقى معاني الاحترام بكلام مهذب لينة  
واللي عرفها حبها يدعو لابوها وامها  
والكل راح يسمع لها وبالتواصل فانتة  
اخلي وفاء هي الوفاء في عنيتها تفرح بالصفاء  
وف قلبها تلقي النقاء وجارها راح يلقي الهنا  
ف الكل راح تبعث امل وتحس علي حب العمل  
ف الحق ما بتعرف خجل ولا يوم تكون متلونة  
تلقى العجوز تاخذ اديه اما الفقير تعطف عليه  
واللي غلط راح تدعي ليه ارزقنا رب كلنا  
الحكمة والخير والمني

ضد الجشع ضد الطمع وف قلبها تلقي الورع  
ولا خيرها عن غيرها امتنع وللقراءة مدمنة  
وعلمت كل الجيران الصبر والإخلاص كمان  
ومعها شعروا بالحنان وف الدروس متمكنة  
واللي غلط راح تنصحه وقلبها ليه تفتحه  
ولا عمرها يوم تجرحه مع كل ده مش هينة

////////////////////////////////////

حدش يعرف لي عادة  
حدش يعرف لي عادة رمز كبير للإرادة  
ف الجد تنول شهادة وبتقوى كل ماله  
النجم هتسبقه وهدفها تحققة  
وشيطانها هتحرقة عمرها ما تصدقه  
دايما متأكدة صدوقه وصامدة  
بتفهم كل حاجة أفكار متعددة  
أما اللي يغيروا منها يقولوا معقدة  
وهي بسيطه خالص ومش متشدة  
البنت الحلوه عادة رمز جميل للإرادة  
ولا يوم تنسى العبادة ومعها تنول سعادة  
شاطرة ومتكلمة من روحها الملهمة  
وف بيتها منظمة ولغيرها معلمة

دا البنت الشاطرة منبع للخير والمرحمة  
والشاطرة عادة دايماً للنور مستسلمة  
وخمارها ما تسيبوش ولا تسمع للوحوش  
والجاهل ما تلوموش دايماً متقدمة  
ده الشاطرة عادة صوره للبنت المسلمة

\*\*\*\*\*

مريم

مريم عاشقة البلونة تقعد صافية وموزونة  
أم لأخواتها حنونة بتساعد ماما كثير  
شاطره فى ترتيب البيت وحاجتها بالتوقيت

وبتحكى لهم حواذيت ولا تغضب ولا بتغير  
وبتعزم طنط صفاء مع رشا ونور ووفاء  
وتعلم طنط رجاء إنها تعطف عا الغير  
مريم بتحب سعاد بتقابلوا مع الأولاد  
يزوروها ف الأعياد احمد وحنان ومنير  
بتصلى مع جدتها تسمع منها حكايتها  
ترجع وترتب بيتها تتعلم منها عبير  
الكل عليها اتعود لا تنقص ولا بتزود  
ولمريم كله بيشهد بالحكمة وبالتدبير  
مريم تروى البستان وكمان تسقى العطشان  
والبيت بالخير مليان ولمريم قلب كبير  
وتسهل كل عسير نالت اكبر تقدير

\*\*\*\*\*

يا مريم

مريم يا مستقيمة يا عاقلة يا حكيمة  
يا طيبة ورحيمة يا بنت الطيبين  
يا بلسم للجراح يا نور شمس الصباح  
يا واحة للسماح يا تاج فوق الجبين  
دايماً نلقاك تصومي وطول الليل بتقومي

وعلي الإخلاص بتدومي    ويا ريت منك متين  
بترقي للألم    يا ساحة للكرم  
يا شجرة للنغم    يا أم المخلصين

////////////////////////////////////

### الغالية رشا

ماما بتحب رشا ورشا تحبها  
ولما رشا تزعل تاخدها ف حضنها  
دا ماما اخت رشا ورشا اختها  
وبابا يحب رشا ويسمع رايتها  
ويقول لها انت عندي    بالدنيا كلها  
ورشا تحب نينا    ورشا طيبة  
بتحب نينا جدا    وليها قريبة  
وجدو يحب رشا    ويطلب قربها  
ولما تغيب شوية بيسال عنها  
ورشا تحب اخوها الاصغر منها  
وهو كل مادا يشد ف شعرها  
تزعل منه وتغضب    تبعد عنه وتهرب  
لكن لو يوم يعيط    يتالم قلبها  
والخالة تحب رشا ورشا تحبها  
وتاخدها كل مادة    تلعب عندها  
دا هيا ام رشا    ورشا بنتها  
دا هيا اغلي نسمة وبسمة لاهلها  
والكل يحب صوتها    ويطلب وصلها  
ولا عمرك تلقى رشا قاعدة وحدها  
علشان بتحب غيرها وغيرها يحبها

### ثانيا : بالفصحي

ان جاعني

ان جاعني فاسق بالخبر قلت له انت بئر الوزر  
وعدت اقلب فيه النظر وخفت العواقب فيها الخطر  
وان تتناثر تلك الاشاعة فقلت لها انت بئس البضاعة  
وينشرها فاسق ذو خناعة تجيء له بالامور الكبر  
سيصنعها حاقدا او خبيثا او ماکرا او عنيد خسيس  
يريد خرابا ويبغي الوطيس يريد حياة الوري تستعر  
يعكر صفو البرئ الحقود ويترك شوکا مکان الورود  
ولا يهنأ البال إن ما يسود وشيطانه في الفضا ينتشر  
أيا قلبي لا تستمع للحقير والفظ هواءا بشر يطير  
وكن ذا قيود وكن ذا ضمير لأية ریح بسوء تمر  
تهب إشاعات بالخراب وتقتل في الناس قلب الصواب  
ولن تلتقي مرة بالجواب ويحتار في الامر رب الفكر  
عليك التاني وكن ذا حذر

الظن بالله

ان احسن بالله الظن هذا اعظم ما اتمني  
ان يدخلني جنة خلد ان يمنحني منه اليمين  
فالله كريم ورحيم وعليم لو قلبك ان  
لا تتبع عورة مسلم فالله لأفعالك يعلم  
والباحث عن سوء يغرم وسيفضح في يوم ويحرم  
لا تبدأ أحدا بالشك لا تنشر سوءا لا تحكي  
فالناشر من أهل الفسق والممسك بالتقوي ينعم  
إن استر مسلم بجناحي يسعدني المولي بفلاحي  
وسابقي ذو قلب صاح وسأجو في الأمر المبهم  
ولأحسن ظنا بالناس ولأكتم كبوة أنفاسي  
وأداري أية احدا سي فبنائي بالظن سيهدم  
يا مسلم إياك إياك فلساتك يحكم عقباك  
قيده لتسعد اخراك بالحوار العين ستتنعم  
والعاقل بالخير سيغنم

يا نفس

يا نفس لا لا تلعبى بالله جدي واطلبي  
في كل خير فارغبى وتوددي وتقربى  
خافى المهانة والذنوب فالنفس اولي ان تتوب  
لن تلقى من ربي هروب اولي بقلبي ان يذوب  
يا نفس لا لا تسامى

في كل خير اقدمى وتحكمى وتقدمى  
بطريق ربك تلهمى كي لا تضلّى وتندمى  
من كل خير تحرمى لله ربكى أسلمى  
في الذكر كل المغنم يا نفس ثوري واعلمى  
ما كان ربك ظالمى يا نفس لا لا تسأى  
فاذا رحمت سترحم واذا قسوت ستغرمى  
للشر لا تستسلمى يا نفس لا لا تندمى

////////////////////////////////////

في القلب حنين للمسجد

في القلب حنين للمسجد كي القى الخيرات واشهد  
وبربى الغفار أوجد ما احلى التقوي ما اسعد

في المسجد القى إخوانى

أنصاري ضد الشيطان عون لطريق الإيمان  
كى نبذو مثل البنيان ولذكر الرحمن نردد

اهرب من كرب وعذاب ابعد عن شر الأصحاب  
أتبتل ابذل أسبابى وألوذ لخير الأحباب  
ألجا لله التواب لله الرحمن امجد

نسبح فى بحر القران نفرح بضيوف الرحمن

اخرج صاف من أحزاني ولنور الإيمان أجدد  
خير بقاع الأرض المسجد فهو الملجأ وهو المرشد  
وهو صلاح للإنسان وهو ملاذ وهو المنجد  
اجلس فى المسجد بوضوئى اصمت أو احظي بهدوئى

ارغب في النجوي بلجوي اخرج من قلبي شئناني  
يا رب تقبل إذعاني ارجوك ولك ربي اعد

~~~~~

يا مغتاب يا كذاب

يا مغتاب يا كذاب يا من قد خنت الأحباب
امن الحكمة ان تطعن عبدا عن سلطانك غاب
تمضغ في لحم الإخوان تنطق بلسان الشيطان
تهدم دوما في البنيان وتظنك تمشي بصواب
تخرج من فيك اللعنات تحرق بغبائك حسنات
تزرع في ارض الحسرات تفتح للشر الأبواب
وفؤادك يعلوه الجهل سلطانك داخله الذل
وطريقك يحرقه الغل وبنفسك جمر وعذاب
فلترجع ولتنوي التوبة فالله محب للأوبة
وليغسل مولاك الحوبة والله كريم تواب
فلتفتح بالحب فؤادك وليكن الإيمان عمادك
وليكن الإخلاص مرادك ولتجعل للنار حجاب

يا صلاة الفجر

يا صلاة الفجر يا خير صلاة فيك انعم بالهدوء وبالاناة
اذكر المولي وافلح من دعاه في بزوغ الفجر ننسي كل جاه
نبدا اليوم بجد ونشاط نجمع الحب ونجني البركات
في صلاتي سوف انعم بالثبات في طريق الحق نحظي بالنجاة
اهجر النوم واجري للعبادة اقي في قلبي سكونا وسعادة
في ارتياح النفس قد يلقي مراده واري في صحبة الخير الحياة
ويري قلبي مع الله مناه يا صلاة الفجر يا خير صلاة
ارقب الصبح إذا ما جاء يطلع في طلوع الشمس عقلي يتمتع
اذكر التقوي وللحسنات اجمع واري يومي موفقة خطاه
يا صلاة الفجر يا خير صلاة

~~~~~

يوسفني

•••••

[illegible]





## ما عدت رفيقا للدار

الوهم سراب سيزول      والخادع دوما مخذول  
والصالح فينا مقبول      والكاذب عنا مفصول  
لن نسمع قولاً معسول      فلتخدع فينا وتخطب  
ولمثلك قد صرت احارب      فلتترك أرضي يا كاذب

[illegible]

## ايها المال

ايها المغرور مالك تحت سيف الدهر واقع  
قم وخزن فيه دوما وتباهي بالمصانع  
قم وبدد فيه واعلم انما الشيطان خانع  
وتباهي ان عندك ما سيكفيك المواجه  
الست تعلم ان يوما كنت للرحمن راجع  
ايها الظمان للدنيا ولا تعطي الزكاة  
الست تعلم ان مالك ليس يعطيك الحياة  
صار عبدا للدنانير وصار يعشقه هواه  
صار مطلبه رضاه وبات يبغي منتهاه  
اصبح الكنز خرابا صار يشقي من حواه  
ذلك المال الوسيلة ليس طوقا للنجاة  
ايها المال حرام أن نوليكَ علينا  
قد أبيناك فلا تحكم بجهلك في ديننا  
انت معلون حقير حين تملك مقلتنا  
لست الا سلعة نشتري بها ونسد ديننا



وصديقي علي طول الدرب وحبیب كذوي الأرحام

سامي واحد من إخواني

oooooooooooooooooooo

لن أصحاب

لن أصحاب لن أصحاب أي خائن أي كاذب

من يكن للزور شارب من يكن للحق غاصب

إنني أخشي إلهي إنني لله طالب

لن أصادق لن أصادق أي فاجر أي فاسق

من يري شرا لديني من يكن للطهر خائف

لا يريد لنا سلاما اسمه ذاك المنافق

لن أسلم للمخادع من يزل في الناس طامع

من يدبر في خفاء طول عمري سادافع

انني لله طالب

مقسما دوما بربي لن يري الخذلان دربي

سوف يلقي كل حربي لن يري البهتان حبي

بيننا سد وحاجب

انني قدمت عمري مخلصا لله امري

فاتحا للنور صدي كاتب في الخير شعري

من رحيق الطهر شارب

لن أراعي لن أراعي أي داع للنزاع

أي طالب للضياع من يحطم في شراعي

انني في الله راغب

لن أبالي لن أبالي بالمعارك بالقتال  
عدتي طول احتمالي همتي مثل الرجال  
انني ارجو نضالي لي صمود كالجبال  
لست اخشي من محارب  
سأنادي سأنادي للكفاح وللجهاد  
حافظا أرض بلادي من خئون من فساد  
وعلي الله اعتمادي للعلا دوما أنادي  
ربي الرحمن يعلم بالنوايا ومرادي  
يعطنا عوننا وسندا يهدنا سبيل الرشاد  
ربنا للنور واهب للصدوق وللمراقب  
إن يكن لله طالب

oooooooooooooooooooooooooooo

### جاري الطيب

لا تسال الاسحار أو هذه الاوتار  
أنت الذي اختار ان تاه بي دربي  
في فنك الاسعاد وبقربك الامجاد  
وبوصلك الانوار يا صادق القلب  
القاك في لهفة حتي ولو صدفة  
وتسرني الطرفة بكلامك العذب  
يا ايها المنجد الطيب المقصد  
يا ايها الصافي من نهرك الشافي  
ما كنت تلقاني إلا بإنصاف

لو كان لي اختار ما اخترت غيرك جار

لطرفت كل طريق كي احظي بالانوار

أنت الذي ارعاه دوما ولا أنساه

جاري طلبت رضاه بارك له ربي

ان تسألني عني تلقاني باليمن

تلقني الندي مني و فرحة القلب

oooooooooooooooooooooooooooo

قم واستفسر

قم واستفسر عقلك يزهر

قلبك يثمر لا تستكبر في يوم بالعلم ستدرك

وستندم لو كنت تقصر

اسأل واعرف لا تستتكف فالعلم لصاحبه ينصف

والعالم من بحر يغرف

قم وتعلم ها و تكلم لا تتخوف لا تتألم

فبصمتك يوما تتندم يا ويلى من خير أحرم

فالعلم لطالبه يرحم والقاعد يوما لن يكرم

قم واستفسر لا تستكبر فالجاهل يوما يتحسر

يا ويلى قد كنت اقصر فبعلمي للارض اعمر

وبخوفي للخير ابعر وبعملي في يوم أقدر

oooooooooooooooooooooooooooo

تمت بحمد الله كفر العرب - فارسكور

٢٠١٥/١٢/١٠ م